



## Universitätsbibliothek Paderborn

### **R. P. Lvdovici De Ponte, Societatis Iesv, Meditationvm De Praecipvis Fidei Nostrae Mysteriis**

Vitae Ac Passionis D. N. Iesv Christi; B.V. Mariae, & aliquorum Sanctorum

Qvae Mysteria Resvrrrectionis, Apparitionis, & Ascensionis, vsq[ue] ad  
Spiritus Sancti Aduentum & Euangelij promulgationem, complectitur

**Puente, Luis de la**

**Coloniae, Anno M.DC.XII.**

Med. 12. De Apparitione facta septem discipulis ad mare Tiberiadis.

[urn:nbn:de:hbz:466:1-38195](https://nbn-resolving.org/urn:nbn:de:hbz:466:1-38195)

tor amantissime, per eadem te vulnera, sup-  
plex oro, vt effectus illos sine me perficias, ob  
quos ea, in glorioso tuo corpore seruasti, ad-  
mittens me ad ea, volantem alis columbæ  
vt in eis, tanquam in nido & requiei loco per-  
maneam, neque enim aliam in hac vita re-  
quiem desidero, quàm semper cogitare ea  
plurima, quæ pro me fecisti, & es perpeffus;  
& propter ea te amare, tibi que perseveran-  
ter obedire, donec ad te fruendum in æterna  
gloria perueniam. Amen.

## MEDITATIO. XII.

QVOD CHRISTVS APPA-  
ruerit septem discipulis, dum Pesca-  
rentur ad mare Tiberiadis.

## PUNCTVM I.

a Ioan: 21. 2.

**R**RANT simul Simon Petrus, &  
Thomas qui dicitur Didymus,  
& Nathael, qui erat à Cana  
Galilæe, & filij Zebedæi, &  
alij ex discipulis eius duo. Dicit  
eis Simon Petrus: vado piscari. Dicunt ei: ve-  
nimus & nos tecum: & exierunt, & ascende-  
runt in nauim, & illa nocte nihil prendiderunt.  
I PERPENDENDVM hic primum est, hos  
discipulos iuisse piscatû, partim ob pauper-  
tatem, vt aliquid haberent ad comedendum;  
partim vt otium fugerent; quia necdum tem-  
pus aduenerat, quo se occuparent in piscan-

dis



dis hominibus. Statim vero ac Petrus dixit: vado piscari, ceteri se in socios obtulerunt; hac ratione ostendentes concordiam & conformitatem voluntatum, quam habebant ad opera virtutis. Concipiam ergo hinc desiderium imitandi sanctos hos discipulos, in exercendis tribus his virtutibus, paupertate, charitate, & propensione ad laborem contra otiositatem.

II. DEINDE perpendendum, quod tota nocte piscem nullum ceperint, sicut alias quoque; Sancto Petro euenit, cum dixit Christo: *b per totam noctem laborantes, nihil cepimus*; ut hinc appareat, quam parum possit humana industria, si illa sola ad animas piscandas, & ex peccatis suis educendas, adhibeatur. Itaque Petr<sup>o</sup> & Paulus, & quicumque alius etiam eruditissimus & sanctissimus, & egregius concionator, frustra sit laboraturus, si proprijs tantum viribus innitatur; & nisi Deus ad piscaturam accedat. Idem enim Apostolus dixit, *c neq<sup>3</sup> qui plātat, esse aliquid, neq<sup>3</sup> qui rigat, sed qui incrementum dat Deus*. Quare necesse est, operarios animarum, in humilitate omnino fundari, si cupiant suos labores fructum proferre, memores verbi Christi Domini, *d sine me nihil potestis facere*.

NEQUE mysterio vacat, quod in utroque hoc piscationis loco, dicatur quod fuerit *Nocte*: insinuatur enim miserrimus huius mundi status, ante aduentum Christi Domini, qui est verè Sol iustitiæ, cuius lumine piscatio suc-

b Luca 5. 5.

c 1. Corint.  
3. 7.

d Ioan: 15. 5.



cedit, cum sine illo nihil efficiat. Insinuatur nobis præterea, eum, qui laborat in nocte ignorantia, & tenebrarum peccati lethalis, nihil proficere, nec eius opera meritum habere vitæ æternæ, propterea enim Regius Prophetæ dixit, *vanum est vobis ante lucem surgere*, antè scilicet, quàm lux diuinæ gratiæ accedat: omnis vester labor erit inanis: nam sine illa, non valebitis opera facere digna luce. Ex quo intelligam, quanta sit peccatoris miseria, qui etsi laboret, non proficiet tamen; defatigatur, ut aliquid piscetur, tota nocte infelicis sui status, nec fructum tamen aliquem colligit alicuius meriti ad vitam æternam. etsi enim fortunas acquirat, honores, & voluptates, cùm hæc sint nihil, labor in eis acquirendis censebitur inanis: siquidem acquisitus fructus, opportuno tempore, ipsum deficiet.

## III.

ULTIMO perpendendum, quid fecerint septem isti discipuli, videntes nullum se piscem capere. nam patienter laborem suum tolerant, meminerint procul dubio sui Magistri, quantumque eius absentia ipsis noceret; & fas est credere, collocutos ipsos tunc fuisse de eo, quod alias ipsis euenisset in eodem mari, præsentem ipso Christo; & suspirasse, dicentes: O Magister supreme, ubi nunc es? cur nos in hoc labore deseris? Cur non accedis, ut nostræ paupertati subuenias? Quid mirum, si pisces retia fugiant, si tu fugis piscatores? Veni, Domine, nobisque appropinqua; tecum enim veniet piscatio, quam opta-

mus

e Psal. 126.  
2.



mus. Hæc verba aut similia sunt mihi spiritu  
dicenda; si quando videbo me sine fructu la-  
borare, & confidam, me exaudiendum, *f quia* *f Psal. 9.37.*  
*desiderium pauperum exaudiuit Dominus.*

## PVNCTVM II.

**M**ANE autē factō, stetit Iesus in littore: *a Ioan. 21.4.*  
non tamen agnouerunt discipuli, quia  
Iesus est. Dixit ergo eis Iesus: pueri nunquid pul-  
mentarium habetis? Responderunt ei: non Dicit  
eis: mittite in dexteram nauigij recte, & inue-  
nietis. Miserunt ergo, & iam non valebant illud  
trahere præ multitudine piscium.

PERPENDE primum Charitatem Do-  
mini nostri, qui adfuit, vt dilectos suos Apo-  
stolos consolaretur, licet non statim agnosci  
voluerit; sed sensim, vt aspectus ille & visita-  
tio utilior eis esset; ac propterea mansit in  
littore, nec voluit super aquas ambulare, aut  
nauem ascendere: vt significaret, statum vi-  
tæ, quem post Resurrectionem habebat, stabi-  
lem omnino esse, ac remotum ab omni insta-  
bilitate, & alteratione; eò quòd esset destina-  
tus, ad perpetuò viuendum in terra viuenti-  
um. Et quamuis non ignoraret, nihil illos pis-  
cium tora nocte cepisse, dissimulans, se id sci-  
re, interrogat eos; num aliquos pisces habeât,  
hac ratione volens eos inducere, ad propria  
necessitatē agnoscendā, & quā parū ipsi per  
se valerēt ad capiendos pisces, sine ipsius au-  
xilio, quod tamē cupiebat statim illis adferre.

I.

O liber-



b Ioan. 4. 7.

O liberalissime Iesu, quoties ad ianuas nostras accedis, aliquid petens, non tam ut illud recipias, quàm ut nobis dones, quod desideras? Petis enim à *b Samaritana*, ut tibi *det bibere*, cui tu desideras *aquam viuam* gratiæ tuæ *dare*. Petis ut Eleemosynā pauperi faciamus, quia desideras copiosam Eleemosynam illi dare, qui pauperi aliquid dederit. Vtinam darem tibi, quod tua inspiratione à me petis, ut tu mihi dares, quod ea inspiratione mihi dare desideras.

Discipulorū  
obedientiac Prover. 21.  
28.

d Luca. 5. 5.

II. DEINDE perpendā, quòd iusserit, illos *mittere ad dexteram nauigij rete*, ut significaret eam piscationē, prosperum exitum habituram, eò quòd figura esset piscationis animarum, quæ ex huius mūdi pelago, exituræ, sunt ad æternam beatitatē, in virtute ipsius Christi, qui est dextera ipsius Dei Patris. Obedientes autem discipuli huic Christi mandato, miserunt rete, & iam non valebant illud trahere *pro multitudine piscium*, ut hinc appareat, quanta sit efficacia obedientiæ; & quàm verè dixerit sapiens, *c vir obediens loquetur victoriam*, tum plurimas animas Deo lucratur. Consideratione autem dignum est, quòd in altera piscatione, sciuerit Petrus Christum esse, qui iubebat laxare retia; ipse verò obediens dixit, *d in verbo tuo laxabo rete*; nunc autem non nouit, Christum esse, qui moneret ad dextram nauigij mittere retia; & nihilominus iudiciū suum subiiciens, & dicto obediens, plurimam traxit piscationem: delectatur enim Christus

pluri-



plurimū, vt e obediamus omni humana creatu  
 ra, propter ipsum, & exuamus proprium iudi-  
 cium, & voluntatem, vt aliorum voluntati  
 pareamus in omnibus rebus, vbi peccatum nō  
 apparet: & ita eueniet interdum, vt reuerā sit  
 Christus vbi eum esse non cogitamus; ideoq;  
 obedientes homini, re ipsa obediamus Chri-  
 sto, per os eius loquenti, qui securos nos facit,  
 si miserimus rete ad designatum locum, fore,  
 vt pisces inueniamus. Quare virtus hęc obe-  
 dientiæ, debet mihi esse familiaris, si volo  
 prosperos habere exitus; sicut Sanctus Petrus;  
 qui propterea Simon est appellatus, quod in-  
 terpretatur obediens.

## PUNCTVM III.

**D**IXIT discipulus ille, quem diligebat <sup>a Ioan. 21. 7</sup>  
 Iesus, Petro: Dominus est. Simon Petrus  
 cum audisset, quia Dominus est, tunica succinxit  
 se, (erat enim nudus) & misit se in mare. Alij au-  
 tem discipuli nauigio venerunt, trahentes rete  
 piscium. Dixit eis Iesus: afferte de piscibus, quos  
 prendidistis nunc. Ascendit Simon Petrus, &  
 traxit rete in terrā plenum magnis piscibus cen-  
 tum quinquaginta tribus, & cum tanti essent,  
 non est scissum rete.

**L. PERPENDENDVM** hęc sunt; Primūm  
 in his duobus discipulis Petro & Ioanne, effe-  
 ctus feruentis amoris, tam in vita contempla-  
 tiua, quā in actiua; amor contemplatiuum  
 exacuit internum animæ visum; vt, sicut hic  
 Ioannes, Christum agnoscant, quem alij non  
 agnoscunt; quibus tamen ipsi illum manife-  
 stent;



stent; amor verò in feruentibus circa res vitæ actiuæ, statim atque Christum nouerunt, se in medium inferunt, vt sequantur. Et, sicut Sanctus Petrus hîc, statim atque audiuit à Ioanne, *quia Dominus est*, relicto reti, piscibus, & nauigio: veste verò induta, ob decentiam, statim se proiecit in mare, vt eò citiùs ad magis trum suum perueniret, tardum nimis existimans nauigij motum, vt illum expectaret: sic inquam, ego contendam, feruenter Christum sequi, & optare citiùs peruenire ad terram æternitatis, in qua ipse est; abijciens, in hunc finè, quidquid habeo; & proijciens me ipsũ ad quosuis labores, & pericula turbati maris huius mundi; tardum nimis iudicans eorum gressum, qui vitam sequuntur communem: vt propterea studere debeam, multò magis gressum meum accelerare.

## II.

b *Luca 5.7.*

PERPENDENDA deinde est mystica excellentia huius piscationis collatæ cum altera, quam idem b *Petrus fecit in prima sua ad Christum sequendum uocatione*. Nam illa referebat piscationem animarum, quæ ingrediebantur Ecclesiam, vt credentes in Christum, legem eius amplecterentur: ideoque non fuit iussus Petrus laxare retia ad dexteram nauigij, sed ad omnes partes, ad dexteram & ad sinistram; vt colligentes bonos & malos pisces, magnos & paruos, quibus duæ naues implerentur, quæ duos populos, He-

bræum



brum & Gentilem sub vno capite Christo,  
 & eius vicario Petro significabant. Rete  
 quoque ipsum, quo pisces capti fuerant,  
 rumpebatur; quia Ecclesia & Euangelij Chri-  
 sti prædicatio, fracturam aliquam & schisma  
 aliquando patitur in hac vita: piscatio verò  
 hodierna fuit tantum electorum ad vitam  
 æternam; & ideo iubetur fieri ad dexteram  
 tantum nauigij manum. Electi enim futuri  
 sunt ad manum dexteram Iudicis. Omnes au-  
 tem hi pisces sunt magni, Sanctitate scilicet  
 & puritate vitæ: quia in cœlo nullus est par-  
 uus. Rete ipsum trahitur in terram, vbi  
 Christus est, quæ est terra viuorũ; & non rum-  
 pitur, quia tunc dissensio nulla, aut nullum  
 schisma erit, nec aliquid, quod perturbare  
 illos possit, quia iam *c. Angeli separauerint*  
*malos, de medio iustorum*, vt Christus dixit in *c. Mat. 13.*  
 parabola *sagena missa in mare.* O foelices *49.*  
 pisces, qui hoc reti capiuntur, vt in æterna  
 vita collocentur. Foelices aquæ viuæ, in qui-  
 bustales pisces nutriti sunt & sustentati, qui  
 perfecta salute & vita fruuntur, quam Chri-  
 stus illis comparauit. O Propheta Sancte  
 Ezechiel, optimè est impleta Prophetia tua,  
 vbi piscatores Iesu, tantam grandium pis-  
 cium multitudinem ceperunt in istis *d. Ezechi.*  
*47. 1.* aquis, *qua descendunt in latus templi cœlestis dextrum*  
 Concedemihi, O Dulcissime Redemptor, ita  
 viuere in viuis gratiæ tuæ aquis, vt ex eis ad  
 æternam vitam deducar. Amen.



c. Ioan. 21  
10.

III. e DISCIPVLI, vt in terram descende-  
runt, viderunt prunas positas, & piscē super posi-  
tum, & panem: dicit eis Iesus, venite, prandete,  
& accipiens panem dabat eis, & piscē similiter.

Resplendet hic quàm maximè studium &  
liberalitas Redemptoris in suos discipulos,  
quibus prandium præparauit, & ad comedē-  
dum inuitauit, panem manu sua miraculose  
confectum, & pisces alios, quàm quos ipsi ce-  
pissent; ad significandum primùm, quàm sit  
illi curæ, spirituales refectioem illis præ-  
bere, qui ob amorem & obedientiam ipsius  
laborant: præbet enim illis cibum Angelorū,  
& panem cælestem, quo confortentur: pruna  
hac ratione conijciens in corda illorum, qui-  
bus toti accendantur amore illius. Ad signifi-  
candum item, quòd, dum nos in terra labora-  
mus, ipse nobis præparet dulcissimum in cæ-  
lo conuiuium, ad quod ipsemet inuitabit, &  
ministrabit ad mensam, porrigēs nobis in ci-  
bum sacratissimam suam diuinitatem & hu-  
manitatem. *Of Beati illi, qui manducabunt  
hunc panem in regno Dei: & felices illi, qui e-  
dent & bibent super mensam ipsius Christi in re-  
gno eius.* O si ego vnus essem ex istis septē di-  
scipulis, plenus septem Spiritus Sancti donis,  
quibus exornatus, dignè possem huic conuiuium  
interesse, Accipe, O bone Iesu, hæc mea vota

& gratia tua illa corrobora, vt eo-  
rum compos euadam, ad  
gloriam tuam.

Amen.

f. Luca. 14.  
15.  
g c. 22. 30

MEDI